

萬有文庫

第二集七百種

王雲五主編

徐孝穆集

徐陵撰

吳兆宜箋注

商務印書館發行

孫 孝 穆 集

徐陵撰
吳北宮注

國學基本叢書

萬有文庫

第二集七百種

總編纂者

王雲五

商務印書館發行

本傳

姚察暨子思廉撰

徐陵字孝穆。東海郟人也。祖超之。齊鬱林太守。梁員外散騎常侍。父摛。梁戎昭將軍。太子左衛率。贈侍中。太子詹事。諡貞子。母臧氏。嘗夢五色雲化而爲鳳。集左肩上。已而誕陵焉。時寶誌上人者。世稱其有道。陵年數歲。家人攜以候之。寶誌手摩其頂曰。天上石麒麟也。光宅惠雲法師。每嗟陵早成就。謂之顏回。八歲能屬文。十二通莊老義。旣長。博涉史籍。縱橫有口辨。梁普通二年。晉安王爲平西將軍。寧蠻校尉。父摛爲王諮議。王又引陵參寧蠻府軍事。大通二年。王立爲皇太子。東宮置學士。陵充其選。稍遷尙書度支郎。出爲上虞令。御史中丞劉孝儀與陵先有隙。風聞劾陵在縣贓汙。因坐免。久之。起爲南平王府行參軍。遷通直散騎侍郎。梁簡文在東宮。撰長春殿義記。使陵爲序。又令於少傅府述所製莊子義。尋遷鎮西湘東王中記室參軍。太清二年。兼通直散騎常侍。使魏。魏人授館宴賓。是日甚熱。其主客魏收嘲陵曰。今日之熱。當由徐常侍來。陵卽答曰。昔王肅至此。爲魏始制禮儀。今我來聘。使卿復知寒暑。收大慙。及侯景寇京師。陵父摛先在圍城之內。陵不奉家信。便蔬食布衣。若居憂恤。會齊受魏禪。梁元帝承制於江陵。復通使於齊。陵累求復命。終拘留不遣。陵乃致書於僕射楊遵彥。遵彥竟不報書。及江陵陷。齊送貞陽侯蕭淵明爲梁嗣。乃遣陵隨還。太尉王僧辯初拒境不納。淵明往復致書。皆陵辭也。及淵明之入。僧辯得陵大喜。接待

餽遺其禮甚優。以陵爲尙書吏部郎。掌詔誥。其年高祖率兵誅僧辯。仍進討章載。時任約。徐嗣徽乘虛襲石頭。陵感僧辯舊恩。乃往赴約。及約等平。高祖釋陵不問。尋以爲貞威將軍。尙書左丞。紹泰二年。又使於齊。還除給事黃門侍郎。祕書監。高祖受禪。加散騎常侍。左丞如故。天嘉初。除太府卿。四年。遷五兵。尙書。領大著作。六年。除散騎常侍。御史中丞。時安成王顓爲司空。以帝弟之尊。勢傾朝野。直兵鮑僧叡。假王威權。抑塞辭訟。大臣莫敢言者。陵聞之。乃爲奏彈。導從南臺官屬引奏案而入。世祖見陵服章嚴肅。若不可犯。爲斂容正坐。陵進讀奏版。時安成王殿上侍立。仰視世祖。流汗失色。陵遣殿中御史引王下殿。遂劾免侍中。中書監。自此朝廷肅然。天康元年。遷吏部尙書。領大著作。陵以梁末以來。選授多失其所。於是提舉綱維。綜覈名實。時有冒進求官。諂競不已者。陵乃爲書宣示。自是衆咸服焉。時論比之毛玠。廢帝卽位。高宗入輔。謀黜異志者。引陵預其議。高宗纂歷。封建昌縣侯。邑五百戶。大建元年。除尙書右僕射。二年。遷尙書左僕射。陵抗表推周弘正。王勸等。高宗召陵入內殿。曰。卿何爲固辭此職而舉人乎。陵曰。周弘正。從陛下西還舊藩。長史王勸。太平相府長史。張種。帝鄉賢戚。若選賢與舊。臣宜居後。固辭累日。高宗苦屬之。陵乃奉詔。及朝議北伐。高宗曰。朕意已決。卿可舉元帥。衆議咸以中權將軍淳于量位重。共署推之。陵獨曰。不然。吳明徹家在淮左。悉彼風俗。將略人才。當今亦無過者。於是爭論累日。不能決。都官尙書裴忌曰。臣同徐僕射。陵應聲曰。非但明徹良將。裴忌卽良副也。是日詔明徹爲大都督。令忌監軍事。遂克淮南數十州之地。高宗因置酒舉杯屬陵曰。賞卿知人。陵避席對曰。定策出自聖衷。非臣之力也。其年加侍中。餘並如

故七年領國子祭酒南徐州大中正以公事免侍中僕射尋加侍中給扶又除領軍將軍八年加翊右將軍太子詹事置佐史俄遷右光祿大夫餘並如故十年重爲領軍將軍尋遷安右將軍丹陽尹十三年爲中書監領太子詹事給鼓吹一部侍中將軍右光祿中正如故陵以年老累表求致仕高宗亦優之乃詔將作爲造大齋令陵就第攝事後主卽位遷左光祿大夫太子少傅餘如故至德元年卒時年七十七詔曰愼終有典抑乃舊章令德可甄諒宜追遠侍中安右將軍左光祿大夫太子少傅南徐州大中正建昌縣開國侯陵弱齡學尚登朝秀穎業高名輩文曰詞宗朕近歲承華特相引狎雖多臥疾方期克壯奄然殞逝震悼於懷可贈鎮右將軍特進其侍中左光祿鼓吹侯如故并出舉哀喪事所須量加資給諡曰章陵器局深遠容止可觀性又清簡無所營樹祿俸與親族共之大建中食建昌邑戶送米至於水次陵親戚有貧匱者皆令取之數日便盡陵家尋致乏絕府僚怪而問其故陵云我有車牛衣裳可賣餘家有可賣不其周給如此少而崇信釋教經論多所精解後主在東宮令陵講大品經義學名僧自遠雲集每講筵商較四座莫能與抗目有青睛時人以爲聰慧之相也自有陳創業文檄軍書及禪授詔策皆陵所製而九錫尤美爲一代文宗亦不以此矜物未嘗詆訶作者其於後進之徒接引無倦世祖高宗之世國家有大手筆皆陵草之其文頗變舊體緝裁巧密多有新意每一文出手好事者已傳寫成誦遂被之華夷家藏其本後逢喪亂多散失存者三十卷有四子儉

南史儉一名報陳書云儉一名榮非

份儀儔

徐孝穆集後跋

余讀史至魏晉而下。未嘗不廢書三歎也。南北朝凡九君。皆假唐虞之名。行篡竊之舉。沿習成風。遂成故事。故有生生世世。不願生帝王家者。遂至禪詔出諸袖中。朝比肩而暮北面。其端肇於新莽。而成於晉魏。可鄙可痛。莫斯爲甚。善乎石勒之言曰。大丈夫當光明磊落。無效曹孟德欺人孤寡。以狐媚取天下也。顯令箋注徐庾兩家。獨不及禪代諸製。意在斯乎。吾門徐子大文。沉深嗜古。見徐庾箋注。心焉慕之。欲補其闕略。蓋以春秋之文。美惡同辭。陳詩之義。勸戒並設。且一書之中。而箋注家偏有未備。俾覽者終茫昧焉。有難恕置也。於是旁搜博采。以附卷末。名曰備考。而質之余。余謂顯令。維世之志也。足以立廉隅。大文。論世之志也。足以鏡得失。各自有當耳。昔梁簡文答湘東王書云。文章未墜。必有英絕領袖之者。今以徐子之趣向。而又能信好。將來縱橫藝苑。馳騁志林。豈曰孝穆才情。僅嫻宮體而已哉。刻既成。因書數言以報之。筭水陳銳穎長氏識。

徐孝穆集目錄

卷一

鴛鴦賦

中婦織流黃

隴頭水

關山月二首

長安道

紫駟馬

烏棲曲二首

長相思二首

走筆戲書應令

奉和詠舞

山齋

侍宴

驄馬驅

出自薊北門行

折楊柳

洛陽道二首

梅花落

劉生

愁曲

同汪詹事登宮城南樓

春情

和簡文帝賽漢高帝廟

詠柑

奉和山池

山池應令

秋日別庾正員

和王舍人送客未還閨中有望

詠織婦

鬪雞

詠雪

奉和簡文帝山齋

讓五兵尙書表

讓左僕射初表

爲王儀同致仕表

爲護軍長史王質移文

檄周文

謝敕賫燭盤賞答齊國移文啓

謝兒報坐事付治中啓

謝東宮賫蛤蜊啓

別毛永嘉

新亭送別應令

爲羊兗州家人答餉鏡

內園逐涼

詠日華

春日

勸進梁元帝表

讓散騎常侍表

讓右僕射初表

爲始興王讓琅邪二郡太守表

移齊文

安成王讓錄尙書表後啓

謝敕賜祀三皇五帝餘饌啓

謝賫麝啓

謝賫蛤啓

卷二

爲貞陽侯與太尉王僧辯書

爲貞陽侯重與王太尉書

爲貞陽侯重答王太尉書

爲貞陽侯與陳司空書

爲貞陽侯與荀昂兄弟書

在北齊與宗室書

卷三

在北齊與梁太尉王僧辯書

答李顥之書

爲陳武帝作相時與嶺南酋豪書

爲陳主與周冢宰宇文護論邊境事書

在吏部尙書答諸求官人書

答周處士書

重答朝臣書

爲貞陽侯答王太尉書

爲貞陽侯答王太尉書

又爲貞陽侯答王太尉書

爲貞陽侯重與裴之橫書

在北齊與楊僕射書

與王吳郡僧智書

爲陳武帝作相時與北齊廣陵城主書

爲陳武帝與周宰相書

爲陳主答周主論和親書

同前

與章司空昭達書

薦陸瓊書

報尹義尚書

與顧記室書

諫仁山深法師能道書

五願上智者禪師書

卷四

玉臺新詠序

廣州刺史歐陽頎德政碑

丹陽上庸路碑

齊國宋司徒寺碑

卷五

東陽雙林寺傅大士碑

皇太子臨辟雍頌

報德寺刹下銘

陳文帝哀策文

河東康簡王墓志

與李那書

答族人梁東海太守長孺書

與智顗書三首

司空徐州刺史侯安都德政碑

晉陵太守王勣德政碑

孝義寺碑

長干寺衆食碑

天台山徐則法師碑

太極殿銘

廡尾銘

司空章昭達墓志

襄使君墓志

卷六

陳武帝卽位詔

陳公九錫詔

陳文帝登祚尊皇太后詔

爲陳武帝卽位告天文

陳公九錫文

梁禪陳璽書

梁禪陳詔

進陳武帝爲長城公詔

封始興王詔

梁禪陳策文

陳武帝下州郡璽書

附備考

徐孝穆集卷之一

清 吳江吳兆宜顯令箋注

賦

鴛鴦賦

飛飛兮海濱，去去兮迎春。炎皇之季女，

〔漢張良傳注〕師古曰：赤松子，仙人號也。神農時爲雨師，服水土，教神農。能入火自燒，至昆山上常止。西王母石室，隨風雨上下。炎帝少女，追之，亦得仙去。

織素

之佳人，

〔古詩〕新人工織繅，故人工織素。織繅日一匹，織素五丈餘。將繅來比素，新人不如故。

未若宋王之小史，含情而死。

〔列異傳〕宋康王埋韓蕢夫妻，宿夕交梓生有鴛鴦雌雄各一，恆栖樹上，晨夕交頸。

憶少婦之生離，恨新婚之無子。

〔玉臺新詠〕漢建安中，焦仲卿妻劉氏爲仲卿母所遣，其家逼嫁，沒水。仲卿亦縱人哀之，爲詩云：中有雙飛鳥，自名爲鴛鴦。

既交頸於千年，亦相隨

於萬里，山雞映水那自得。

〔異苑〕山雞愛其毛羽，映水則舞。

孤鸞照鏡不成雙。

〔范泰鸞鳥詩序〕昔罽賓王，結罽峻卵之山，獲一鸞鳥，王甚愛之，三年不鳴。其夫人曰：嘗聞鳥見其類而後鳴，何不照

鏡以映之，鸞覩影悲鳴而絕。

天下真成長合會，無勝比翼兩鴛鴦。觀其呀吭浮沈，

〔左思蜀都賦〕呀吭清渠。

輕軀淺澣，

〔張衡南都賦〕拂汰澣澣兮船容裔。

荇戲而波散。排荷翻而水落。特訝鴛鴦鳥。長情真可念。許處勝人多。何時肯相厭。聞道鴛鴦一鳥名。教人如有逐春情。不見臨邛卓家女。祇爲琴中作許聲。

〔玉臺新詠琴歌序〕相如遊臨邛。富人卓王孫。有女文君。新寡。竊於壁間窺之。相如鼓琴歌以挑之。其歌曰。同緣交頸爲鴛鴦。胡顏頰兮共

翺。翺

樂府

驄馬驅

白馬驄龍駒。

〔晉陸雲傳〕閔鴻見而奇之。曰。此兒若非龍駒。定是鳳雛。

雕鞍名鏤衢。

〔三輔決錄〕平陵公孫奮。富聞京師。梁冀知奮儉慤。以鏤衢鞍遺奮。從貸五千萬。

諸兄二千石。

〔徐樹穀曰。後漢循

吏傳〕秦彭字伯平。扶風茂陵人也。六世祖襲。爲潁川太守。與羣從同時爲二千石者五人。故三輔號曰萬石秦氏。

小婦字羅敷。

〔古樂府〕秦氏有好女。自言名羅敷。

倚端輕掃史。

〔一作吏。未詳〕漢高五王傳〕魏勃少時。欲求

見齊相曹參。家貧。無以自通。乃常獨早掃齊相舍人門外。舍人怪之。以爲物而伺之。得勃。於是舍人見勃曹參。因以爲舍人。言之悼惠王。拜爲內史。

召募擊休屠。

〔漢霍去病傳〕上曰。票騎將軍收休屠王祭天金人。

塞外多風雪。

城中絕詔書。空憶長楸下。

〔曹植名都篇〕走馬長楸間。

連蹀復連蹀。

〔文君白頭吟〕今日斗酒會。明日溝水頭。蹀躞御溝上。溝水東西流。按蹀音鋪。馬蹀跡也。

中婦織流黃

〔玉臺新詠古樂府相逢行〕曰。大婦織羅綺。中婦織流黃。小婦無所作。挾瑟上高堂。

落花還一作飛井上春機當戶前帶衫行幃口覓釧枕檀一作入壇邊數鐺疑作經無亂〔魏志〕舊綾機五十綜者五十

其喪功費日皆易以十二蹠新盤緯易牽〔古今注〕莎雞一名催織一名絡緯催織謂鳴聲如急織絡緯謂其聲如紡績也蜘蛛夜伴織〔張協雜詩〕蜘蛛網四屋百舌曉驚眠〔易緯通

者反舌鳥也能反覆其舌隨百鳥之音〔東觀漢記〕鄧訓故吏知訓好青泥封書從黎陽步推鹿車過易陽載青泥一篋道訓書因計吏船〔揚雄答劉歆書〕天子上計孝廉會者雄當提三寸弱翰筆以問其異

語欲知夫堦處〔古樂府〕東方千餘騎夫堦居上頭今督水衡錢〔漢書〕本始二年春以水衡錢爲平陵徙民起第宅〔注〕應劭曰水衡與少府皆天子私藏

出自薊北門行〔樂府遺聲〕都邑三十四曲有出自薊北門行〔鮑昭出自薊北門行〕〔注〕薊故燕國

薊北聊長望黃昏心獨愁〔屈原離騷〕曰黃昏以爲期燕山對古利代郡隱一作倚城樓屢戰橋恆斷長冰暫不流天雲如地

陣漢月帶胡秋漬土泥函谷〔後漢隗囂傳〕王元曰元請以一九泥爲大王東封函谷關朱鶴齡曰〔漢西城傳〕烏秬國其西則有縣度縣度者石山也谿谷不通以繩索相引

而度平生燕頤相會自得封侯〔後漢班超傳〕相者指曰生燕頤虎頸飛而食肉此萬里侯相也後以西域五十餘國悉皆納質封定遠侯

隴頭水〔崔豹古今注〕橫吹胡樂也張騫入西域傳其法唯得摩訶兜勒一曲李延年因造新聲二十八解魏晉以來不存見用黃鸝隴頭折楊柳等十曲

別塗聳千仞，離川懸百丈。攢荆夏不通，積雪冬難上。枝交隴底暗，

〔漢地理志〕隴西郡〔注〕應劭曰有隴坻在其西也。

石礙波前響。回

首咸陽中。

三輔黃圖秦孝公始都咸陽咸陽在九峻山渭水北山水俱在南故名咸陽。

唯言夢時往。

折楊柳

嫋嫋河堤樹。

〔漢溝洫志〕哀平初平當使領河堤。〔張衡西京賦〕周以金堤樹以柳杞。

依依魏主營。

徐炯曰〔魏文帝集柳賦序云〕昔建安五年上與袁紹戰於官度時余始植斯柳自彼迄今十有五載矣感物傷懷乃作斯

賦。

江陵有舊曲洛下作新聲。

未詳按〔晉書〕謝安石能爲洛下書生詠。

妾對長楊苑。

〔三輔黃圖〕長楊樹在長楊宮。秋冬較獵其下天子登此以觀。

君登高柳城。

〔後漢靈

帝紀〕護烏桓校尉出高柳。

春還應共見蕩子太無情。

〔枚乘雜詩〕昔爲倡家女今爲蕩子婦。

關山月二首

〔樂府解題〕關山月傷別離也。

關山三五月。

張尙緩曰〔禮記〕月三五而盈三五而闕。

客子憶秦川思婦高樓上當窗應未眠。星旗映疎勒。

〔晉書〕左旗九星在河鼓兩旁右旗亦如之河鼓

居中〔後漢耿恭傳〕恭以疏勒城旁有澗水可固乃引兵據之。

雲陣上祁連。

〔漢書注〕師古曰天山卽祁連山也匈奴謂天爲祁連。

戰氣今如此從軍復幾年。

月出柳城東。微雲掩復通。蒼茫縈白暈。〔漢書〕高帝七年。月暈圍參畢七重。是歲高皇帝爲冒頓所圍。七日乃解。蕭瑟帶長風。羌兵燒上郡。胡騎獵

雲中。〔漢五行志〕文帝後六年。匈奴大入上郡。雲中燒火通長安。將軍擁節起。戰士夜鳴弓。

洛陽道二首

〔玉臺新詠〕梁簡文帝。元帝樂府題皆有洛陽道。

綠柳三春暗。紅塵百戲多。〔後漢安帝紀〕延平元年。龍魚龍曼延百戲。東門向金馬。〔張瑩漢南記〕馬援奏曰。武帝時。善相馬者鑄作銅馬法獻之。有詔立馬於魯班門外。則更名曰金馬門。南陌

接銅駝。〔洛陽記〕兩銅駝在宮之南街。東西相向。高尺。洛陽人謂之銅駝街。華軒翼葆吹。〔江淹詩〕許史乘華軒。〔說文〕軒。曲轡轎車也。〔蜀志〕先主少時。戲言吾必當乘此羽葆蓋車。飛蓋響鳴珂。

〔通俗文〕馬勒飾曰珂。〔本草〕珂貝類。皮黃黑而骨白。可爲馬飾。生南海。〔曹植公議詩〕清夜遊西園。飛蓋相追隨。潘郎車欲滿。無奈擲花何。〔晉書〕潘岳字安仁。爲河陽令。美姿儀。少常挾彈出洛陽道。婦人遇之者皆

連手榮纓。投之以果。滿車而歸。

洛陽馳道上。〔漢賈山傳〕秦爲馳道於天下。道廣五十步。三丈而樹。厚築其外。隱以金椎。樹以青松。〔三輔黃圖〕蔡邕曰。馳道。天子所行道也。春日起塵埃。濯龍望如霧。〔後漢馬皇后紀〕太后詔曰。

前過濯龍門上。見外家問起。河橋渡似雷。〔晉書〕杜預以孟津渡險。請建河橋於富平津。聞珂知馬蹀。見上。傍幃見薨開。〔儀制令〕諸車一品。青油纒通幃。朱裏朱絲絡網。